

汾州府志目錄

例言

圖

表

以上
首卷

沿革

卷之一

星野

疆域

以上卷
之二

山川

卷之三
卷之四

城池

官署

倉廩

學校

壇壝

以上卷之五

關隘

營汛

驛舖

以上卷之六

戶口

田賦

鹽稅

以上卷之七

職官

卷之八卷之九

宦績

卷之十卷

食封

流寓

以上卷

人物

卷之十三至

義行

卷之

科目

卷之十八

仕實

卷之

列女

卷之二十一

古蹟

塚墓

以上卷之

祠廟

卷之四

事考

卷之五

雜識

卷之六

藝文

卷之二十七至三十四

汾州府志卷之五

城池

府城故汾州城也。元至正十二年，知州朱贊重築。周九里十三步，崇三丈二尺，門四濠深廣不一。明景泰二年修。嘉靖十九年，以東門外居民殷衆，知州張瑄築東郭堡，周九里，崇三丈，門六。二十一年，復築南郭堡。知州曹寵竟其事，周五里十三步，崇三丈，門四。隆慶三年，知州甯策修城，增其高厚，崇凡四丈八尺，下厚四丈二尺，上厚丈八尺，又築北郭堡，周二里有奇，崇三丈二尺，門四。五年始甃城。萬曆六年，知州張一敬甃東郭堡。十二年

知州白夏築西郭堡周三里崇二丈五尺門四堡皆如城之制。國朝乾隆十七年汾陽縣民賈誠等十六人捐資繕北城三十七丈五尺有奇知縣陶敦仁督修完固。

城邑考云汾州舊城世傳曹魏所築舊志云俗名四陽城言日四面照也又名祝融城者亦此義案水經原公水出茲氏縣西羊頭山東過其縣北酈道元注云縣故秦置也魏書地形志西河郡下云治茲氏城自秦漢至北魏所謂茲氏城者在今府治南十五里然則謂今城創自三國魏不審信也北魏孝昌二年

西河郡僑置平陽界而汾州尋移治西河未知卽治
茲氏城與否至唐宋之汾州考之實爲今府治史不
詳北徙十五里其城築自何年要在北魏以後矣

平遙縣城明洪武三年重築周十二里有奇崇三丈二
尺濠深丈廣丈門六景泰初修正德四年知縣田登修
下東門甕城嘉靖十三年水衝壞東北隅十九年舉人
雷潔等繕完之三十一一年知縣沈振增高西城北城六
尺增厚七尺又築北門甕城四十年權理縣事沁州同
知呂堯卿增高南城六尺四十一年知縣張稽古因邊
警遂甃其城隆慶三年知縣岳維華增臺樓新舊共九

十四。甃以甃石。濬濠加深廣。萬歷三年。知縣孟一脈更治新之。二十二年。知縣周之度修築東西門甕城。國朝康熙二十三年。知縣黃汝鈺因久雨繕其損壞者二十五丈。堞百二十三。三十五年。知縣王傑修南門甕城二丈。三十六年。修東城六丈有奇。三十七年。修北城四丈有奇。三十九年。知縣王綬修西城二丈有奇。四十年。修上東門甕城。四十一年。修北城二丈有奇。四十二年。修四門及南城二十餘丈。四十三年。修南城三十五丈。四十四年。修上東門。雍正二年。知縣高大有修東城四十一丈有奇。乾隆二十七年。知縣李在田濬城濠長四

百五十丈。

舊志謂尹吉甫北伐玁狁駐兵於此築西北二面傅合之謬辯見沿革考漢之平陶城在今文水縣西南二十五里水經注云文水逕大陵縣故城西又南逕平陶縣故城東又南逕茲氏縣故城東是也北魏徙置京陵城西以廟諱改爲平遙而漢之故城仍在其境內後代乃割入文水縣魏書地形志平遙有京陵城平遙城所云平遙城卽漢平陶故城也然則今縣城蓋起於北魏耳。

介休縣城周八里崇三丈五尺下厚三丈二尺四門濠

深二丈廣二丈東北有堡牆周四里崇三丈門五水門
二明景泰元年知縣王儉彭鏞甃城四門正德二年知
縣郝槃於城之四隅增設小樓嘉靖元年縣民董裳等
於北門外甃甌甌加以鐵柵備水暴漲隆慶元年知縣
劉旁重修增高丈二尺厚增八尺增城臺百一十有奇
及窩舖萬歷三年知縣康又民築甕城二十六年知縣
史記事增築西門南門外堡牆及東北城上窩舖十有
四爲樓於東南隅環城設懸樓十有六崇正四年知縣
李雲鴻六年知縣張諭聖相繼繕治城之損壞者十三
年知縣李若星甃城外堡牆因御史張煊所奏請也

國朝康熙十有四年。知縣趙端修東城三十餘丈。二十五年。知縣李應龍繕城及城上大小樓三十四年。知縣王埴修西北城。甃用甌甃者四十二丈。土築者三十五丈。有奇。乾隆二十年。同知康勳權理縣事。修繕南門。二十七年。知縣葉楷繕土城十三處。通計百一十四丈。及堞二處。三十一丈。知縣吳步青修西磚城二十一丈。三十三年。知縣王謀文設四隅城樓各崇二丈九尺。廣丈有六尺。深如之。修堞之壞者二十有一。及四門城樓。濬濠。城東城南。因舊濠淤塞。濬深七尺。廣丈有奇。通長千三百五十一丈。城北新鑿濠長三百五十八丈。深八

九尺廣丈有五尺而城西舊濠直達於汾者亦以淤澹之長二千七百二十二丈。

山西通志云魏孝靜帝時始建遷朔州軍備禦外患築土爲垣案魏書地形志西河郡介休有介休城是北魏介休不復治漢故城其所置者在今縣東南二十五里元和郡縣圖志云後魏明帝時爲賊所破至孝靜帝更修築遷朔州軍人鎮之因立爲南朔州但領軍人不領郡縣然則北魏之介休縣城宜建自太和至孝靜但修之耳非始建也其城亦在今縣東南而非今之縣治以水經注考之今縣治實漢故城

北齊省介休入永安。北周武帝復置。殆今縣治自北周以來不復遷改歟。

孝義縣城周四里十三步。崇二丈七尺。門四。東西北有月城。濠深丈八尺。廣與深等。明景泰初。典史李進。天順間。知縣沈純。宏治間。知縣張日升。正德間。典史韓彪。嘉靖間。知縣王錦。劉大觀。先後修治。南門外有堡牆。其外自南遶西有外堡牆。皆嘉靖間分守冀南道於敖。因邊警所築。隆慶元年。知縣陳情始甃城。增高丈餘。臺樓俱增於舊。知縣陳翰竟其事。國朝雍正四年。知縣方士模。乾隆二十八年。知縣張乃曾。先後重修。三十四年。知

縣鄧必安捐俸修西月城五丈五尺及堞六處

山西通志云魏文侯時建元魏孝靜帝武定元年移置西北隅築今城案元和郡縣圖志魏移西河郡中陽於今理而水經注勝水東逕中陽故城南又東合文水今城南俗呼孝河者卽水經注之勝水以地望考之縣城卽魏晉中陽故城也其曰魏文侯時建傳合之謬辯見沿革

臨縣城周六里五步崇三丈嘉靖二十一年所築前此元至元五年己卯臨州治南徙四十里是爲今縣治州治雖遷而無城明景泰元年知縣劉本始築小城僅有

東南二門。正德八年。知縣杜敏增置外城。東西設水門。以洩山澗之水。今城拓於嘉靖中。兵備趙瀛。於是甕城臺樓堞舖俱備。二十九年。知縣張天祿於南北增置臺樓。東南北浚濠。廣深丈有奇。隆慶元年。知縣吳潮修城。用石砌東南北三面。萬歷十九年。知縣張問行修敵臺。攔馬牆浚其濠。二十三年。知縣常時芳於東城外內築臺各二。甃以甌甃。建亭其上。四十八年。知縣諸葛昇修城西門。國朝順治間。知縣謝道陳顯忠。朱紹鳳。張勸。康熙三年。知縣余維樞。十四年。知縣莊搢先後相繼修繕。三十三年。城東湫水不由故道。衝損城郭。日就頽圯。

乾隆三十一年春知縣丁宗懋汾陽縣知縣朱濬孝義
縣知縣王椿分工段督修明年九月工竣

今縣治卽元至元五年所徙之臨州治

石樓縣城唐武德二年所築明景泰元年縣丞耿祥重
修周一里九十六步崇二丈五尺南北二門南城外有
外城爲東西二門合內外城周三里三十步城外因山
澗爲濠阻深足恃而水暴漲時亦爲城害國朝順治
十六年知縣周士章修治改北門舊在東北移之於正
北康熙八年知縣任珙雍正四年知縣麥士偉七年知
縣袁學謨先後修繕八年復修南城

永寧州城故石州城也。周九里三步。崇三丈五尺。濠深丈二尺。門三元。至元二十一年。河南行樞密院八元愷郡守尹炳重築。明景泰元年。知州范賓。嘉靖二十年。知州楊潤先後修繕。隆慶間。巡撫楊巍以遭兵火後。城廣人稀。遂截東南半壁。新修築之。崇四丈八尺。下厚三丈二尺。上厚丈有五尺。浚其濠。萬歷三年。始甃城。知州李春芳。劉祐。高光。陳嘉謨。許天球。先後董役。越五年而工竣。甃城臺樓堞鋪俱備。二十六年。知州夏惟勤修城。徙南門於東南隅。增設臺樓。崇正十四年。知州仇秉忠更深其濠。國朝順治十四年。知州胡朝賓修西城。康熙

十二年府通判署州事黃良驥修東城十九年知州馬雲瑞五十九年知州朱价先後修繕

舊志云秦丁巳三年趙武靈王破林胡樓煩始築案趙世家武靈王曰我先王取藺郭狼敗林人於荏而功未遂今西有林胡樓煩秦韓之邊張守節云林胡樓煩卽嵐勝之北也嵐勝以南石州離石藺等七國時趙邊邑也秦隔河也又武靈王二十年西畧胡地至榆中林胡王獻馬州境本藺離石郭狼之地爲趙邊邑已久前此成侯三年魏敗趙藺二十四年秦攻趙藺肅侯二十二年秦取趙藺離石武靈王十三年

秦拔趙藺非由武靈王破林胡樓煩始有其地甚明其所謂秦丁巳三年者亦不可通考秦昭王三年當周赧王之十一年趙武靈王之二十二年歲在丁巳此稱秦丁巳三年殊不成辭。

寧鄉縣城周五里百八十步高三丈門三。明景泰元年知縣梁杲所築。正德六年知縣石祥重修浚其濠深二丈嘉靖二十一年知縣王一言始設敵臺三十五年知縣賈迪增樓堞及窩鋪隆慶二年知縣李卿修城增高五尺厚增八尺城北鑿重濠廣二丈深二丈五尺三年知縣吳三聘築甕城萬歷二年知縣白經於西北隅建

棚舍八十有四。三年，知縣公一揚重修。三十五年，知縣
廖得寶始甃城。國朝順治六年，知縣史具勲修城之
西南隅。八年，知縣王之儀修東南隅及樓。

官署

府治在南城少東前。明萬歷二十三年設府，以舊守備
署改爲府署。自堂及廡舍如制。內住宅頗促。三十年，知
府崔士榮建後樓五間，閣今百六十餘年。未經大修。內
堂東西兩廡，則余蒞任後捐俸繕葺。而崔守所建後樓
亦久廢圯。求其完整可居，尙有待云。治西爲舊清軍廳
理刑廳、司獄司廢署地。今署內之右，南向三間，顏曰居

易齋東向三間顏曰以勤補拙卽清軍廳址也。

清軍廳舊在府治西康熙二十七年移駐介休縣城卽居舊分署乾隆二十一年又移駐張蘭鎮以所裁之巡檢司署改爲同知署。

管糧廳在府治東垣墻及署內東廡歲久傾圮乾隆三十年通判劉望齡捐俸修整。

經歷司在管糧廳之南二堂歲久欹側後宅傾圮無存乾隆十六年經歷毛麟捐俸建住宅三間東廡四間西一間二十五年三十年漸次修整二堂及東西餘房。

汾陽縣署在東門內大街北初爲稅課局明永樂十一

年改爲州治。正統十二年。知州李善重建成化六年。知州伍秀建左右鐘鼓樓。嘉靖二十八年。知州李當萬歷十二年。知州白夏相繼修繕。二十三年設汾州府。卽以州治爲倚郭。汾陽縣治。二十五年。知縣蔡成已修。國朝順治十一年。知縣吳世英修大門及鐘鼓樓。康熙間。知縣趙其星平士楨先後重修。

典史署在縣治西。康熙四十八年。典史李錦重修。

提督學政察院在縣治西。明天啟二年。汾州府同知柳白卿。通判溫毅然。曹祖功。永寧州知州沈復禮。汾陽縣知縣李作乂。平遙縣知縣楊廷謨。介休縣知縣孫磬。在

孝義縣知縣閻夢夔共捐俸建。國朝乾隆六年縣人候選知州郭建瑄捐銀三千七百五十餘兩重修更增拓考棚。

冀村巡檢司在縣北四十里本設在黃蘆嶺順治六年署燬遂僦居城內康熙五十二年以守備舊廨分作巡檢驛丞官署雍正四年巡檢驛丞並裁汰七年復設黃蘆嶺巡檢司以未建衙署仍居城內舊廨乾隆二十一年改駐冀村即將舊廨移建。

舊志察院在師垣坊初御史案臨署按察分司嘉靖三年始改淨心寺爲之分守冀南道在察院東初爲

布政分司每歲行部暫一居之嘉靖初定坐鎮於此
遂開府焉分巡冀南道三察院西布政分司在察院
南偏東按察分司在察院南偏西公館在分守道南
長盈倉在師垣坊陰陽學在城東門外醫學在城南
門內僧綱司在天寧寺道紀司在城隍廟汾陽縣志
分守冀南道缺裁署改黃太僕祠分巡冀南道缺裁
署廢知府張奇抱改建龍亭公館今改棠蔭書院

平遙縣署明萬歷十九年知縣何其智改大門上建燕
樓及門內之左建寅賓館二十五年知縣周之度修大
門外觀風樓四十七年知縣楊廷謨建儀門及東西角

孝義縣知縣閻夢夔共捐俸建。國朝乾隆六年縣人候選知州郭建瑄捐銀三千七百五十餘兩重修更增拓考棚。

冀村巡檢司在縣北四十里本設在黃蘆嶺順治六年署燬遂僦居城內康熙五十二年以守備舊廨分作巡檢驛丞官署雍正四年巡檢驛丞並裁汰七年復設黃蘆嶺巡檢司以未建衙署仍居城內舊廨乾隆二十一年改駐冀村即將舊廨移建。

舊志察院在師垣坊初御史案臨署按察分司嘉靖三年始改淨心寺爲之分守冀南道在察院東初爲

布政分司每歲行部暫一居之嘉靖初定坐鎮於此遂開府焉分巡冀南道在察院西布政分司在察院南偏東按察分司在察院南偏西公館在分守道南長盈倉在師垣坊陰陽學在城東門外醫學在城南門內僧綱司在天寧寺道紀司在城隍廟汾陽縣志分守冀南道缺裁署改黃太僕祠分巡冀南道缺裁署廢知府張奇抱改建龍亭公館今改棠蔭書院

平遙縣署明萬歷十九年知縣何其智改大門上建譙樓及門內之左建寅賓館二十五年知縣周之度修大門外觀風樓四十七年知縣楊廷謨建儀門及東西角

知縣王佐宏治六年知縣張日升重修正德間知縣閔以仁築方臺於儀門外上建樓二層虛其下以通出入後廢改爲外門三間國朝康熙四十八年知縣高佩建後樓

典史署在縣治東

舊志察院在縣治東布政分司在中陽樓東孝義縣志冀南道行署在宣化坊西縣署南有南館又明嘉靖中劉大觀建候館於南鄉之王屯村俱廢

臨縣署元知州馬麟建國朝順治六年燬九年知縣朱紹鳳改建於舊治之南康熙十二年知縣常來譽置

增拓之閱二年。知縣莊搢莫友仁相繼繕葺。規模始備。
五十九年。知縣楊飛熊重修。

典史署舊亦遭燬。康熙五十六年重建。今縣治西。

舊志布政分司在縣治南。按察分司在外城南門內。
醫學。知縣常時芳建。僧會司在普化寺。山西通志布
政分司在文廟西。按察分司在真武樓東南。今俱廢。
石樓縣署。明洪武六年。知縣顧碩建。崇正五年燬。十年。
知縣熊時泰重建。國朝順治十三年。知縣周士章。雍
正七年。知縣袁學謨增修。

典史署在縣治東。

山西通志察院按察分司俱在治東今廢石樓縣志
僧會司在永慶寺

永寧州署元至正二十年建明隆慶元年燬權州事太
原府同知李春芳請於上官以治西遺址給民納粟爲
業又裁其中爲官倉所餘地合兵備道廢署地改建今
治歷任隨時捐俸修繕

吏目署在州治西乾隆二十三年吏目蕭應璉捐俸修
方山堡巡檢司在州北百五十里

柳林鎮巡檢司在州西六十里本青龍渡巡檢司駐青
龍鎮乾隆三十三年改駐柳林鎮

舊志府館在州治東醫學僧正司俱在州治東道正司在州治北山西通志察院在州治北廢

寧鄉縣署金泰和中建明宣德中知縣劉岳重建宏治中知縣曹鐸修國朝順治八年知縣王之儀康熙二十四年知縣龔應霖重修

典史署在縣治西

舊志布政分司按察分司府館俱在縣治東陰陽學在縣治南僧會司在清涼寺道會司在元都觀

倉廩

養濟院
附見

汾陽縣預備倉在天寧寺後凡五間康熙五十八年知

縣周超於縣治之右復建新倉。

舊志預備倉一在天寧寺後一在縣學東養濟院在縣治西北考前明縣學在城外東關立信廂縣學東之倉其廢已久。

平遙縣預備倉在縣治內公廨北常平倉舊在縣治東康熙三十四年知縣王傑建凡五間雍正五年知縣高大有重建於縣治西凡三十八間九年知縣梅廷誨捐俸增建六間乾隆五年知縣顧之麟請修繕縣治東舊倉五間增建十間名恩預倉。

養濟院在下西門內路北歲久傾圮康熙十二年知

縣陳以恂捐俸重建四十八年知縣王綬乾隆十一年知縣李由中俱捐俸重修。

介休縣預備倉在東街路北明萬歷十八年知縣王一魁建二十七年知縣史記事增高墻垣易土以甃倉門建樓以便防守國朝康熙三十二年知縣王埴重修雍正二年縣富民捐穀三十石至五百石以上卽於各村設社倉貯之凡百有四處乾隆十二年富民捐設義倉凡五處。

養濟院在宣化街南明洪武間知縣柳元泰建國

朝康熙間知縣王埴修雍正二年縣人趙祚焟於城

東趙家茶坊西捐地建普濟堂縣志順城關東門內路北有育嬰堂亦是年建。

孝義縣常平倉一在宣化坊倉巷街北凡窯廩十四間房十八間一在縣署東新舊廩各三間。

養濟院在橋南廂街西普濟堂在北稍門外路北育嬰堂在南稍門外路西。

臨縣常平倉一在縣治東康熙二十八年知縣莫友仁建一在治西康熙五十九年知縣楊飛熊建以後歷任知縣隨時捐俸修拓。

縣舊有預備常平二倉明季遭兵燹俱燬又養濟院

康熙二十四年知縣莫友仁建後廢五十六年知縣楊飛熊重建於內城南門外之西。

石樓縣常平倉在縣治東。正憲廢十一間。房六間。雍正七年知縣袁學謨建神倉於先農祠內。常平倉亦前後修拓。

養濟院在東門外。雍正七年知縣袁學謨建。

永寧州預備倉一在州治西。凡三十間。一卽玉亭驛。驛丞廢署改建。凡二十三間。一卽州判廢署改建。凡八間。歷任知縣隨時捐俸修繕。

舊志養濟院在州治西北。

寧鄉縣常平倉在縣治東雍正六年知縣邵之楷建凡
窯廠十間乾隆八年知縣吳錯增房六間三十年知縣
朱懋炳又增九間。

舊志社倉一在縣治北一在朱家店一在仙明都養
濟院在慶豐門外俱廢。

學校

汾州府儒學在同節坊卽明慶成王府國朝順治十
七年改建而以舊府學爲汾陽縣學祭獻禮儀悉依會
典凡府州縣學皆有大成殿明倫堂尊
經閣戟門泮池此定制也不別爲目

崇聖祠在明倫堂之西卽啓聖公祠雍正三年

欽改爲崇聖祠追封孔子五代王爵

名宦祠在泮池東

鄉賢祠在泮池西

舊志汾州府學田學道周買置地八十一畝離城十五里每歲除納糧外該徵租二十石二斗五升守道徐學道周批發地五十畝坐落中寨西北係郭裕絕產每歲除納糧外交納租谷五石以上守道徐買置地九十一畝坐落上文里每歲除納糧外交納租課二十石二升地七十七畝坐落肖莊里每歲除納糧外交納租課十六石以上今見在學田凡十處田村

六十四畝蕭家塋七十七畝小北堡八十一畝東馬
賽五十畝桑棗坡九十二畝堡城司三十三畝栗家
莊十八畝文家莊四畝冀村四畝路家莊九畝又社
學地二處孫家莊十畝犬回頭十七畝三分亦舊歸
府學通共四頃五十九畝三分而歷年爲承種者隱
匿過半宜悉歸學勒石以備修聖廟給貧生之費
大成殿東廡有金翰林修撰王廷筠行書詩石四乃
明嘉靖中重摹者其舊石在州學泮池西黃華亭漫
滅不存東廡壁間又有宋元祐二年黃庭堅書真覺
道人歌石二其一有斷痕而絕不傷損蓋明藩府中

舊物也。

汾陽縣儒學在師垣坊卽舊汾州儒學。金同知節度使康玉潤重修。後燬於兵。元初漸次修舉。明洪武間。知州茆志道。正統間。知州李善相繼重修。正德十六年。知州郁浩復增鑿內外泮池。萬歷十二年。知州白夏重加修拓。二十三年。設汾州府。改州學爲府學。知府崔士燦。趙喬年。文養浩繼修。而新設倚郭。汾陽縣則別建縣學於城東。國朝順治間。改建府學於同節坊。康熙十五年。知縣崔秉政議縣學亦宜置城內。於是以舊府學改爲縣學。大加繕治。

崇聖祠在尊經閣後。

名宦祠在戟門外之左。

鄉賢祠在戟門外之右。

明倫堂後嘉靖中建敬一亭時翰林學士顧鼎臣進

講宋儒范浚心箴因御製敬一箴及注范氏心箴程

子視聽言動四箴命兩京國子監及天下學校建亭

勒箴萬歷十二年知州白夏建三賢祠於敬聖祠左

祀子夏段干木田子方而舊志稱知縣尹覺民導馬

跑泉水至馮家莊架以木槽由西關入城至鼓樓南

引入府學泮池所云府學卽今縣學也

舊志汾陽縣學田無糧地一頃每年額徵秋租穀葛三十五石有糧地一頃每年秋租穀葛三十五石於本年租內照依時值變納糧差又有糧地一畷九分八釐四毫每年除納糧外額徵租穀四斗又守道徐學道周批發地五十畷係郭裕絕產每歲除納糧外交租穀五石守道徐買置地十七畷五分坐落西關南一里下舍村每歲除納糧外交納租課六石三斗二升五合地十五畷坐落北關北三里堡城司每歲除納糧外交納租課五石以上汾陽縣志云地四段坐落小相西里每歲除納糧外交租七石五斗又云

原設學田共地二頃六十一畝有奇糧十五石一斗九升五合有奇又房舖三所每歲賃銀三十餘兩

縣志載宋元豐三年賜太師文彥博詩勅并序其碑石在學中

平遙縣儒學舊在治東嘉靖八年以縣治東南太子寺更之隆慶四年知縣崔元吉六年知縣孟一脈相繼捐俸建尊經閣萬歷十九年知縣何其智二十五年知縣周之度二十九年知縣魏學徵四十六年知縣楊廷謨先後修拓崇正九年知縣王凝命復以文廟與太子寺互遷國朝康熙十四年知縣魏裔愨按嘉靖八年以

後移改三十九年。知縣王綬捐俸重修。增鑿泮池。

崇聖祠在敬一亭西。

名宦祠在戟門外之左。

鄉賢祠在戟門外之右。

舊志先師廟舊在治東。嘉靖八年。巡按穆公準呈。以前太子寺更之。平遙縣學田凡地一頃七十八畝九分九釐。每斗額徵租穀十二石一斗一升。租銀一兩九錢三分五釐。平遙縣志學田共地二頃八十七畝。每歲徵租粟二十二石四斗五升三合五勺。徵租銀一兩九錢三分五釐。

介休縣儒學在城內東南隅舊在縣治東建於唐咸亨三年金之季燬於兵元至元初知縣閻梅買民居爲奉祀所九年知縣梁天翔以其故居爲講堂而建大成殿於前求訖代去三十年主簿王益率士民竟其事適知縣田澤蒞任遂贊成之工竣於元貞初明洪武二十七年知縣武信天順間知縣王澤正德六年縣丞張敬十年知縣趙膺隆慶三年知縣劉旁六年知縣高鈞萬曆三年知縣康又民十八年知縣王一魁二十五年知縣史記事四十二年知縣孫瓚崇正初知縣何騰蛟前後修拓規模始備其後生員董爾型重修國朝順治間

爾型之孫復修明倫堂尊經閣康熙間貢生梁錫珩修尊經閣其子復修三十五年知縣王埴修大成殿

崇聖祠在明倫堂之東

名宦祠在泮池東

鄉賢祠在泮池西

忠孝祠在學宮西雍正元年知縣單含奉文建

節義祠在學宮西雍正元年奉文建

舊志介休縣學田共地八十八畝六分有奇每年額徵租穀四十七石三斗介休縣志學田共地七十二畝五分有奇每歲徵租穀三十二石七斗視舊數爲

減。

孝義縣儒學在城東南隅。宋大觀中，知縣事董元愷建。元元貞二年，縣尹董完澤修。大德七年，地震圯。八年，縣尹郝思敬重建，工未竣。至大元年，始繼成之。明洪武十一年，知縣陳莊天順五年，知縣沈純。成化五年，知縣王佐。宏治二年，知縣張日升。正德十年，知縣閔以仁。十三年，知縣張友直。嘉靖間，知縣張愷。萬歷二十八年，知縣周佑。三十五年，知縣劉令譽相繼增修。國朝乾隆三十四年，知縣鄧必安修。

崇聖祠在大成殿東北。

名宦祠在戟門外之左。

鄉賢祠在戟門外之右。

忠孝祠在學宮東北隅。祀孝子鄭興。舊在北門內。康熙五十五年。知縣閔衍建。乾隆十五年。知縣李方沁移建於學宮東南隅。改舊祠爲節孝祠。乾隆三十四年。知縣鄧必安建文昌閣於大成殿東。以舊文昌祠爲今忠孝祠。

節孝祠在城北門內。祀節婦蘓氏。乾隆十五年。知縣李方泌改忠孝祠於學宮內。而以舊祠爲節孝祠。

舊志。孝義。縣學田。明萬曆中。邑紳士霍鍾瑜捐置地。

一頃二十四畝七分八釐每歲除納糧外額徵租銀
四兩七分八釐孝義縣志康熙四十六年署孝義縣
知縣阿爾布捐置地三十畝共一頃五十四畝有奇
臨縣儒學在縣治東南元至正間始建學於東郭明永
樂十六年以河患改遷東南去舊址二里許嘉靖三十
五年知縣脫鎬因廟學瀕河議遷今所萬歷二十六年
知縣常時芳修崇正六年燬於兵國朝順治三年知
縣謝道修康熙二十七年知縣莫友仁重修增建尊經
閣

崇聖祠在文廟東

名宦祠在戟門外之左。

鄉賢祠在戟門外之右。

舊志臨縣學田知縣張問行及縣丞魏賓置地一頃六十八畝八分三釐每歲額徵租穀十一石五斗三升爲給貧生婚葬之助臨縣志康熙間知縣莫友仁置甘泉都地二頃六十四畝樂禮都地三頃一十一畝善訓都地一頃七十七畝爲貧生助。

石樓縣儒學在縣治東金時重建明洪武初知縣顧碩修正統十一年知縣劉述景泰五年知縣馬榮嘉靖五年知縣王仁相繼修葺崇正末燬於兵國朝順治十

年。知縣周士章重建教諭姜肇周董其事。康熙二十五年。知縣趙鳳集。二十八年。知縣王許。三十一年。知縣高必遴。三十五年。知縣趙鳳集。五十二年。知縣韓貽豐。雍正六年。訓導宋國相。九年。知縣袁學謨。相繼重修。崇聖祠在文廟西。

名宦祠在戟門外之左。康熙五十四年。知縣韓貽豐建。鄉賢祠在戟門外之右。

石樓縣志。學田東門外地七畝一分。

永寧州儒學在州治東南。明洪武七年。知州時應祥修。拓宏治十年。大歲毀災。知州王道重建。正德二年復災。

知州張克恭重建嘉靖二十八年西自民舍延燬知州
崔嘉重建隆慶元年燬於兵署州事李春芳重建萬歷
二十四年知州夏惟勤重修國朝康熙十九年知州
馬雲瑞雍正五年知州周鑲重修

崇聖祠在文廟左

名宦祠在戟門外之左

鄉賢祠在戟門外之右

舊志學田城外東南隅地十二畝該應貢生員輪耕
用助赴京路費後廢萬歷三十六年以柏木變價買
地五十畷五分該夏秋糧一石七斗五升一合七分

州志云其地坐落鳳山底馬茂莊西崖底三處地租
散給貧生。

寧鄉縣儒學舊在縣治西金大定間縣尹劉文通修以
後屢經修治其地面山背壑嘉靖六年巡按穆相檄知
縣張軾擇地於縣東南移建萬歷間知縣楊正達修崇
正末燬於兵國朝順治八年知縣王之儀教諭范星
鼎訓導張天秩重建康熙三十八年知縣呂履恒修
崇聖祠在文廟左
名宦祠在戟門外之左
鄉賢祠在戟門外之右

忠孝祠節義祠俱在縣署東雍正五年知縣孔興唐建
以上文廟崇聖祠及名宦鄉賢忠孝節義祠

汾州府教授宅在射圃前訓導宅在其右

汾陽縣教諭宅在尊經閣東訓導宅在尊經閣西

平遙縣教諭宅在文廟東訓導宅在文廟西

介休縣教諭宅在明倫堂東訓導宅在明倫堂西

孝義縣教諭宅在明倫堂後訓導宅在其左

臨縣教諭宅在文廟東訓導宅在其右乾隆三十年訓

導郭金城捐俸八十餘兩修繕

石樓縣訓導宅在文廟東

承寧州學正宅在射圃東訓導宅在其左。

寧鄉縣訓導宅在文廟後。

以上學署。

西河書院在府治東南舊名棠蔭書院康熙二十四年知府張奇抱建乾隆十二年知府魏元樞於汾陽縣願捐素積案內撥銀三千兩每歲收息銀三百六十兩又自捐養廉銀五十兩及八屬捐多寡不一歲成六百兩爲延師置弟子之費十八兩知府顧鴻重修復撥銀三千五百兩合前共六千五百兩每歲收息銀七百八十兩以充束修膏火經費免州縣捐助。

白公書院舊府志云在啟聖祠西。

仰高書院舊府志云在縣治西嘉靖元年督學周宣命

知州張鉞卽狄公祠隙地建祭政李元題名仰高宜仰

子夏之文狄公之武也五年知州郭鏗增拓

上二所舊志屬之汾

州府其廢已久

文昌書院舊府志於汾陽縣云在學前府通判王重光
署縣事議建。

卜山書院汾陽縣志云在城北二十里大相村名子夏
祠勅額卜山書院後以遠在郊野因學宮旣成卽於西
偏創立書院仍以下山名之。

平遙縣義學志云在府署西知府劉克孔建順治十六年分守冀南道申偉抱捐俸置於府西不數武康熙五年知縣平士楨重整五十八年知縣周超捐俸延師聚徒講肄其中

卿士書院平遙縣志云在上東門內路北卽卿士廟西河書院平遙縣志云在縣治西南康熙四十二年知縣王綬捐俸創建四十七年置地一頃九十四畝七分五釐充供給租課

平遙縣社學志云合城內外凡十所並知縣王綬設一在下東門外一在遊駕村一在香樂鎮一在洪善鎮一

在武村一在岳壁村一在陳家莊一在寧固阜村一在王家莊一在杜村義學在縣治東南康熙二十二年知縣黃汝銓建設田尹村馬舖民地四十畝七分一釐輸租二十石三斗五升五合二十六年增置上西門外五畝民地二十七畝一分三釐租十三石五斗

六賢書院舊府志於介休縣云在東南城上年久拆毀三賢書院舊府志於介休縣云在郭林宗祠今廢

縣山書院介休縣新志云本育才館明萬歷間知縣史記事建歲久傾廢今知縣王謀文卽其址改建書院介休縣義學志云一在順成關本明知縣李若星詞

國朝雍正元年知縣單含改設義學置地三十餘畝
峪村義學康熙六十年縣人任復裕捐建置地二十
畝有奇一在中街村縣人趙承舜捐建置地八畝銀三
百餘兩地租銀息以充膏火一在張蘭鎮乾隆二十一
年撤西街義學建巡檢署卽以公館改爲義學

孝義縣義學志云縣人霍鍾瑜捐置又北關義學卽鄭
孝子祠康熙五十三年知縣閔衍設雍正二年知縣方
士模重設三年又設南關義學於南山門上乾隆二十
一年知縣莊行恭建義學於外城內東南隅

鳳山書院臨縣志云康熙二十七年知縣莫友仁置

臨縣義學志云康熙二十四年知縣莫友仁置。

石樓縣社學山西通志云在文昌祠前。

永寧州書院志云舊爲義學乾隆二十九年知州蔣龍昌修拓改爲書院。

寧鄉縣義學志云知縣龔應霖建社學在察院址東。

以上書院及義學社學。

壇壝

社稷壇汾陽平遙二縣在城北之西介休縣在城西里許臨縣永寧州在城西孝義石樓寧鄉三縣在城北壇之制方二丈五尺崇二尺一寸階三等周以垣四門位

八嚮瘞石於南以表位，不至側二尺五寸，東西取中。社
右禋左，石長二尺五寸，方尺，其瘞之也。惟石之頂見於
土上，主以木，長二尺四寸，廣六寸，丹之，青字，書某州縣
社之神，禋亦如之。座厚五寸，廣九寸有半。祭用春秋二
仲月之上戊，制帛二，黑色，劍一，簠二，簋二，豆籩各四，羊
一，豕一。

風雲雷雨山川城隍壇。州縣各設壇於城內，南嚮祭亦
以春秋二仲月之上戊，位三中。風雲雷雨之神，左山川
之神，右城隍之神，制帛七色，白其餘，如社禋壇。

厲壇。州縣各設壇於城北，南嚮祭。以清明日及孟秋之

望孟冬之朔迎城隍神位於上以主之位境內人鬼之無所歸者於左右。

先農壇州縣各於東郊祭用仲春亥日。

城隍廟一在汾陽縣治之西北本汾州城隍明萬歷二十三年改州爲府是爲府城隍一在縣治西爲縣城隍平遙縣在縣治東介休縣一在縣治東里許一在張蘭鎮孝義縣在縣治西北臨縣在縣治西南永寧州在州治北寧鄉縣在縣治北明洪武初封天下城隍之神府曰威靈公州曰靈佑侯縣曰顯佑伯二十三年改正典府城隍曰本府城隍之神州縣亦如之以春秋二

之上戊合祭於山川壇每朔望肅謁行香凡遇水旱
多患則禱之

八蜡廟汾陽縣在城東之南介休縣在城東南隅孝義
縣在城西臨縣設壇於南壇之西石樓縣在城東舊列
於祀典乾隆十一年停止

馬祖廟汾陽縣在城南
在洪善驛介休縣一在
縣治之東一在城北
儀門之右臨縣在城東
石樓縣在縣治東水樓
治東北

旗纛廟一在府城內一在
鄉縣歲以霜降日祭軍牙

六纛之神

以上四廟皆當壇祭者故
附見於此不列祠廟內

汾州府志卷之六

關隘

府西羣山簇擁自北而南西四屬臨永寧寧鄉石樓在山脊之西西抵黃河地勢東高西下故臨永寧之水南流西流過寧鄉縣東薛頡之西以南枝麓迴環故寧鄉石樓之水北流西流胥歸於河東四屬汾陽孝義在山脊之東右山左汾地勢西高東下故二縣西境之水東流平遙介休汾川行其西北太原以西之山環而至乎其南地勢南高北下故二縣南境之水北流胥注於汾而汾川纏絡之隴則東顧原隰之所合也西控河山之

險戰國時秦趙相持趙守河東以據秦其險要在藺離石今永寧州境也東漢之季西河郡徙治離石日益多事降及魏晉匈奴五部之衆散居是間迨劉淵發難始於離石而東逼太原南奪平陽自時厥後中原非晉有也北魏之初西河離石吐京並置重鎮然餘寇竊發歲有兵事幾與魏終始周齊爭勝河汾間郡常爲兵衝隋大業末唐乾符以後太原南指未有不以是地爲中類平陽北向未有不以是地爲啟途者也宋扞西夏明隴鞬鞞府西爲必虞之地我朝直北而西蕩然無外是以昔時關隘聊記其地用知古今而已

臨縣西百二十里曰克虎寨。黃河東岸。路通陝西葭州。古置浮梁。今以舟濟。金大定中。曾於此地築城戍守。以防夏人。明洪武五年。置巡檢司。後裁。

臨縣堡寨九。曰三交寨。鐘底寨。堡子峪。曲峪寨。開陽寨。杏林莊。堡子城。第八堡。白文鎮。鎮集二十有一。曰三交鎮。沙源集。招賢集。白文鎮。兔兒坂。曲峪鎮。叢羅峪。清涼寺。安家莊。侯家圪台。十寨。樓子卯。大窰村。石塚山。崖頭村。白道峪。武家窰。甲頭村。下卯頭。沈家溝。苗家卯。

永寧州。百五十里曰方山堡。金貞祐中方山縣所屬。

治也。時鎮西節度使里甲右倫言欲分石州兵五萬
權屯方山，勦殺土寇，且備嵐州。而同知蒲察桓端拒而
不發。明萬曆二十五年，巡撫魏允貞以方山乃三晉要
害之地，三縣不接之所，請復築城池，建察院一，府署一，
鎮守衙一，倉庫一，築城時掘得太和八年縣印一顆，解
布政司寄庫內。國朝雍正八年，巡撫石麟以方山堡
在州治正北百五十里，舊設巡檢，裁汰已久，但永寧北
境遼遠，叢山錯雜，請增設方山堡巡檢一員。

州北二百二十里曰赤堅嶺，明洪武三年置巡檢司，今

州西北六十里曰石門。明隆慶元年九月，俺荅兵由石門入石州，俗呼石門塢。又西北至臨縣治亦六十里。

州西少北百二十里曰孟門鎮。周大象元年於此置定胡縣。隋置孟門關。其地險固。唐貞觀二年改縣曰孟門。元置離石巡檢司於此。城垣廬舍不減於舊。明改爲孟門巡檢司。後廢。

州西少南百二十里曰青龍渡。舊設巡檢司。駐青龍鎮。乾隆三十三年改駐柳林鎮。

永寧州堡二十。曰四皓堡、吳城堡、李家灣堡、大高家溝堡、塞東堡、香巖堡、穆村堡、薛村堡、禦寇堡、雙霧都。

堡神底堡大武鎮堡石門堡南村堡峪口堡橫泉堡
津良堡方山堡樹林堡赤堅堡寨一曰尖陽山寨鎮
集七曰吳城鎮金羅鎮青龍鎮柳林鎮孟門鎮大武
鎮峪口鎮趙吉士守險分永靖交山議云晉省以太
原爲腹心而交靜諸山逼處太原右腋西極黃河盤
亘千餘里其中若神師羊腸孝文呂梁劉王暉管涔
蘆芽離石石峽鹿徑兩嶺周洪諸山皆前古所稱名
區天險是趙武靈王闢之以爲強劉淵都之以定霸
者也歷考前代交境西北常列爲雄鎮宿以重兵唐
於岢嵐置岢嵐軍宋於靜樂置靜樂軍於嵐縣立

度使元於靜樂置河北都元帥府明初靜樂兩嶺
婆婆嶺隘皆以太原左衛兵分屯守險自唐至明
往加意於此數百里之內夫險固之地雖數十里尙
足容賊況列嶂連雲莫知紀極交靜諸山旣雄峻四
越其民又生長崖谷勇健輕生交西北與臨嵐永寧
界其山若孝文呂梁劉王嶂皆絕險東北與靜樂陽
曲界其山若神師羊腸交山皆絕險盜由此出沒案
吉士此議於西北山險頗屬明切附錄其語以見梗
槩

寧鄉縣西百五十里曰三交原其地舊有城俗呼吳王

城下臨三交口渡蓋古戍守處。

縣南四十里曰泉子關明嘉靖二十一年五月山西巡撫令隰州知州何繼武防西路寇通平陽於泉子山南崖砌石墩一高七丈廣四丈長八丈北崖砌石牆一高六丈長二十二丈又於山澗中樹椿木惟通其流兩山置卒千餘人戍守。

泉子山備禦碑記云東通於平陽者靈石之郭家溝是也西通於平陽者寧鄉之泉子山是也東路斷則靈石池南無憂而平陽之左備以固西路斷則寧鄉池南無憂而平陽之右備以固案此雖專爲平陽備

集而其地屬寧鄉故附錄之。

縣南五十里曰寧鄉關寧鄉水自孝義縣西流迤北
關下。

寧鄉縣鎮集六曰暖泉鎮娑陀店朱家店鋤溝鎮青

龍鎮

永寧州寧鄉縣交界

三交原

石樓縣西北九十里曰上平關卽唐書地理志之上平
津也下臨黃河五代梁開平二年李茂貞遣延川帥胡
敬璋攻上平關爲梁將劉知俊所敗卽此明洪武十三
年置巡檢司後廢。

縣西八十五里曰永寧關西臨黃河宋史地理志石樓

縣下云有上平永寧二寨。明洪武初置巡檢司。後廢。
崇正六年十二月，秦賊盡入晉豫，至數十萬。而延綏
賊首鑽天哨開山斧據永寧關前阻山險，下臨黃河，
負固數年不下。延綏巡撫陳奇瑜潛師疾走入山，縱
擊，斬首千六百級，二賊死，分兵擊賊首一座城，斬之。
延綏盜悉平。奇瑜威名著關陝。石樓縣志云：河西清
澗縣水賊乘間竊發。明季設守備把總駐防於花地
窰等處。

縣東北六十里曰窟龍關。後魏吐京郡之嶺。東嶺西一
縣以關之山險分也。明洪武初置巡檢司。後裁。

周士章議云黃雲山縣亘三十餘里林樹茂密地界於孝隰寧石之間中有窟龍關天成險隘萬壑莽凡起解錢糧傳遞公文必由斯道而四外並無撥兵宜於關內界碑處所安撥兵十數人更番防守

石樓縣堡四曰管頭堡解家堡華城堡南嶺堡墩二十曰二郎墩西嶺墩東莊墩王村墩胡家墩四江墩管頭墩薛家墩薛張墩轉角墩閻家墩崖頭墩下窰墩

汾陽縣西六十里曰黃蘆嶺北魏武定二年齊獻武王出此道度赤洪嶺以斛律金爲南道軍司由黃蘆嶺

會於烏突戍。北齊天保三年，幸離石，遂至黃蘆，起長城四百餘里，立三十六戍。胡三省以爲此長城蓋起唐石州北，抵武州之境。明宣德四年，設巡檢司。國朝順治六年，署毀，僦居城內。雍正四年，裁。七年，巡撫覺羅石麟以黃蘆嶺地屬險要，復設。乾隆二十一年，移駐冀村。

縣西三十里曰金鎖關，在向陽峽，岩險插天，中斷如闢，爲汾石咽喉。漢晉以來，戍守處也。明初置巡檢司，尋廢。隆慶元年九月，俺荅軍由向陽峽分掠孝義介休平遙隰州等處，復移兵汾州城下，攻八晝夜不克，乃引去。因增築關城，設兵防禦。

汾陽縣堡二十有九。曰望春堡、喬東堡、故顯堡、太平堡、大相堡、小相西堡、小相東堡、盡善南堡、盡善北堡。

羅城堡、董寺堡、黑浮堡、仁岩堡、里仁堡、康家堡、西豐堡、孝臣堡、陽城堡、靳同堡、田同北堡、田同南堡、鞏村堡、三泉堡、任家堡、趙家堡、馬莊堡、見喜堡、中干堡、田村堡。寨十有九。曰東馬寨、西馬寨、暮莊寨、三泉寨、張多寨、趙村寨、靳家寨、向陽寨、文侯村寨、尙文村寨、鞏村寨、成家莊寨、劉家莊寨、坡頭寨、南源寨、安家莊寨、湘子垣寨、上金莊寨、宋家莊寨。鎮集十有一。曰羅城

鎮、永安鎮、仁岩村、冀村、見喜村、裴家會、田同鎮、三泉

鎮陽城鎮小相

孝義縣西北三十里曰版谷關

縣舊志云漢文帝時置關戍守

縣西二十里曰白壁關北魏西河郡未置之前設軍壁六於狐岐山東重兵戍守以防匈奴五部餘衆散處離石者其壁曰辛壁賈壁白壁許壁柳壁此五壁晉統於大鎮故大鎮卽名六壁唐之六壁府是也唐天復二年晉將周德威追朱友寧抵白壁關宋建隆四年孫延進李謙溥等師旋出白壁關次谷口俄敵至延進倉皇走谷中又袁繼忠護隰州屯兵白壁關破河東三寨

縣西南三十里曰賈願谷北魏於此置驛一名驛馬谷後兵亂遣賈願戍此故名。

孝義縣堡七曰司馬堡仁智村堡西盤糧村堡吳屯村堡南姚堡仁道村堡高村堡寨五曰下柵寨六壁頭山寨下堡村寨兌九峪山寨三河口山寨。

平遙縣南五十里曰普同關在普同谷口東南抵縣上關通沁源縣西抵隰子城南入岳陽縣爲往來險要之地明洪武五年置堡於關後移於縣北二十里洪善鎮今廢。

平遙縣堡五曰洪善堡杜村堡侯冀堡郝同堡達蒲

堡寨二曰趙壁山堡西泉山堡鎮集七曰洪善鎮十
店鎮寧固集范洛集朱圪集長壽集梁官集

介休縣東南六十里曰關子嶺南通沁源茂林峻嶺地
僻人稀舊置關寨明洪武五年設巡檢司轄弓兵三十
名防汎天啟五年裁

縣西南二十里曰雀鼠谷汾水出義棠鎮西南入谷北
屬建德五年帝至晉州遣齊王憲率精騎二萬守雀鼠
谷隋大業十二年太原留守唐公破甄翟兒於雀鼠谷
唐武德三年秦王追宋金剛至雀鼠谷日中八戰金剛
走介州官軍追之以餘衆二萬出西門背城陣方輿紀

要云雀鼠谷蓋當往來之要路是也

介休縣堡四十曰南張堡

卽張蘭鎮

郝家堡田堡北賈

堡北張里南堡北張里中堡北張里北堡張原村堡

大甫村南堡曹麻村堡義安村堡胡龍堡兩水村堡

溫村堡二嘉村堡史村堡張家堡石河南堡石河北

堡仙臺堡西段屯堡宋安村堡宋牯村堡下莊堡義

棠堡馬安村堡孫暢村南堡孫暢村北堡大宋曲東

堡大宋曲西堡湛身堡東內封堡岳家灣堡南靳屯

堡城南上堡城南下堡梁家堡羅王莊堡閻家堡趙

家堡寨九曰關子嶺寨師屯寨劉屯寨龍頭寨胡龍

寨仙臺寨史村寨興地東寨興地西寨鎮集六日城
市關廂張蘭鎮郝家堡湛泉鎮義棠鎮孔家堡

營汛

汾州營駐劄汾州府額設馬兵四十名步兵二百九十
二名

舊額設馬軍百四十名步軍千五百五十九名 國
朝額設馬戰兵二百名步戰兵三百名守兵五百名
康熙三十五年裁馬戰兵百四十六名步戰兵百四
十二名守兵二百三十五名後又裁爲今數凡馬步
戰守兵每名月支米三斗

每斗折銀一錢一分

馬戰兵每名月

支餉銀二兩步戰兵一兩五錢守兵一兩馬每匹

冬月■草六十束

每束折銀一分

料豆九斗

撥在太原府盈倉本色豆

夏秋月支銀九錢

駐本營叅將一員守備一員外委一員隨營額外外

委二員馬步兵二百二十六名餘分防各營汛

汾陽縣分汛設防三處北路三十里曰永安汛

兵三名又北十

里爲文水縣之文星舖汛

西路三十里曰向陽汛

兵三名

又三十里曰

嶺底汛

兵三名又五里踰黃蘆嶺接永寧州

平遙縣外委一員額外外委一員轄兵五十一名分汛

設防六處東北路七里曰五里莊汛

兵五名

又六里有

曰閻村汎

兵五名

又四里有奇曰洪善林汎

兵六名又至鄰家莊

祁縣界

西南路八里有奇曰良如壁汎

兵五名

又四里曰橋

頭汎

兵五名又三里至杜村接介休縣

東南路四十里曰坡底汎

兵三

名又南二十里

接武鄉縣界

介休縣把總一員額外委一員轄兵六十一名分汎

設防七處東北路六里有奇曰東十里舖汎

兵五名

又三

里有奇曰東十五里舖汎

兵五名

又十一里有奇曰東二

十里舖汎

兵五名

又七里曰東四十里舖汎

兵五名

又四里

曰郝張汎

兵六名又六里至杜村屬平遙縣界

西南路六里曰西十里

舖汎

兵五名

又九里有奇曰西二十里舖汎

兵十一名又二里有奇

桑平峪靈

石縣界

孝義縣外委一員轄兵十名

臨縣外委一員轄兵三十四名分汛設防六處東南路

五十里曰三交汛

兵三名

又四十里曰石門汛

兵三名又南二十里

為永寧州之大武汛

東北路六十里曰白文汛

兵三名又北二十里接與縣界西

北路百二十里曰克虎寨汛

兵五名北六十里至大峪溝與縣界西越黃河接陝

西葭州界

其南五十里曰郭家塌汛

兵五名東北距城百里西越黃河接陝西吳堡

縣界

又南三十里曰高家塌汛

兵五名東北距城四十里南至永寧州孟門汛四十

里

永寧州把總一員轄兵四十名分汛設防九處東路四

十里曰王榮莊汛

兵三名

又二十里曰四皓汛

兵三名

又一

十里曰吳城汛

兵三名

又二十里曰三交汛

兵三名

又二十里踰黃蘆

嶺接汾陽縣

西路五十五里曰寨東汛

兵三名

又二十五里曰

薛村汛

兵三名

又四十里曰後河底汛

兵五名

西北二十里爲軍鋪灣汛屬

寧鄉縣所轄西越河接陝西吳堡縣界

其北四十里曰孟門汛

兵五名

東距州城百

二十里西越河接吳堡縣界

靖安營駐防河莊千總一員本營兵二十名所轄汛在

州界者八處東路距州城九十里曰廟底汛

兵三名

又東

五里曰白家漢汛

兵三名

又五里曰骨脊溝汛

兵三名

又十

五里曰黃帝廟汛

兵三名東接交城縣界

西北路曰峪口汛

兵三名東

至廟底汛

又二十里曰橫泉汛

兵三名

又三十里曰津良

汛

兵三名

又三十五里曰方山汛

兵三名西
北接臨縣

石樓營駐劄石樓縣額設馬兵七名步兵百六十一名

駐本營都司一員把總一員外委一員馬步兵百三

十四名餘分防各營汛

石樓縣分汛設防五處東北路三十里曰圪連汛

兵三名

又三十里曰倉兒原汛

兵三名

又十五里曰黃雲山汛

兵三名

名又二十五里至寧鄉縣郭家河汛

西去路二十五里曰解莊汛

又西南十五里

至永和縣趙家溝汛

南路二十三里曰關頭汛

兵三名又南三十里至隰州蓬門汛

沿河有汛六處轉角河汛花地窰汛閻家河汛並距

城九十里。溫家山汛距城八十里。韋家畔汛距城九
十五里。崖頭汛距城百里。各設防兵四名。奉部文。冬
至下河。驚蟄。圍營。又舊汛四處。紅窯汛。土門汛。並距
城五十里。瓦舍汛距城八十里。裴溝汛距城六十里。
雍正三年裁。

寧鄉縣把總一員。轄兵二十名。分汛設防三處。南路六

十五里。曰郭家河汛。

兵五名。南接黃雲山汛。

西路百三十里。曰寨

裏汛。

兵五名。西越黃河。接陝西吳堡縣界。

其東北二十里。曰軍鋪灣汛。

兵五

名。西則黃河。此地跨入永寧州境。東南二十里。至永寧州之後河底汛。

驛鋪

東西通衢。由太原府祁縣賈令驛西南五十里至府屬平遙縣洪善驛。

洪善驛在縣東北二十五里。洪善鎮。雍正八年裁驛丞歸縣管轄。今所有額馬七十七匹。馬夫三十八名。半廠夫九十名。

又西南八十里至介休縣義棠驛。又西南八十里至平陽府靈石縣瑞石驛。

義棠驛舊在縣西南二十里。義棠鎮。明宏治二年移於城北。國朝雍正八年裁驛丞歸縣管轄。今所有額馬七十七匹。馬夫三十八名。半廠夫九十名。介休

縣新志云驛馬馳驟必於中途四十里張蘭鎮少自
或入夜則就坊店輪流派歇乾隆三十三年知縣王
謀文於閒款內每年開支銀二十四兩賃店一所歇
馬永不許派累各店

其非通衢驛站自洪善驛西八十里至汾陽縣汾陽驛
汾陽驛驛丞雍正四年裁夫馬歸縣管轄今所有額
馬十二匹馬夫六名走遞摺夫二十名自汾陽驛南
至義棠驛六十里

又西九十里至永寧州吳城驛

吳城驛在州東八十里吳城鎮雍正十年裁驛丞歸

州管轄今所有額馬六匹馬夫三名

又西八十里至玉亭驛

玉亭驛在州治東雍正六年裁驛丞歸州管轄今所有額馬七匹夫三名半

又西六十里至青龍驛又西六十里至陝西吳堡縣河西驛

青龍驛在州西六十里青龍鎮雍正十年裁驛丞歸州管轄今所有額馬五匹夫二名半

以上驛廠

汾陽縣總舖在三賢坊之西北路十里曰太平舖又十

里曰小相舖又十里曰郭棚舖

卽永安舖

又十里曰文星舖

接文水縣南路十里曰陽城舖又五里接孝義縣田屯舖東路十里曰瀝城舖又十里曰康家堡舖又十里接平遙縣白石舖西路十里曰劉家莊舖又十里曰坡頭舖又十里曰向陽舖又三十里曰嶺底舖又二十里接永寧州三交舖

西通永寧州實山蹊險徑

平遙縣總舖在縣治前之西東北路十里曰仁內舖又十里曰洪善舖接祁縣西南路十里曰城西舖又十里曰陳村舖又十五里接介休縣田堡舖西路十里曰達

蒲舖又十五里曰寧固舖又十五里曰香樂舖又十里
曰白石舖接汾陽縣東南路十五里曰邢村舖又十五
里曰辛村舖又二十里曰上店舖接武鄉縣。

自城西北行經南政村蔣堡通文水縣自城東南行
經西郭村坡底鎮上店鎮通武鄉縣自城而南經虎
壁村胡村梁趙村七同村馬壁村窯頭村太山神通
沁源縣自縣而西經姚村魏樂村王智村南官地村
通孝義縣而由大山神至沁源縣上鎮爲險要。

介休縣總舖在縣治前之東東北路十里曰宋胙舖又
十里曰湛泉舖又五里曰王里舖又十五里曰南臺舖

又十里曰郝張舖又十里曰田堡舖接平遙縣西南路
五里曰內封舖又十五里曰義棠舖接靈石縣北路由
義棠舖十里曰劉屯舖又十里接孝義縣王屯舖

自城南而西經城南村河底村東歡村秦樹村至旌
介村亦通靈石之小徑自城東南行經張良村焦寺
村西野村至關子嶺沁源縣界

孝義縣總舖在縣治前之西北路十里曰田屯舖接汾
陽縣南路十五里曰王屯舖接介休縣西路五十里曰
布落舖又二十里曰南陽舖又十五里曰義棠舖又十
五里曰盤重原舖又十五里曰車戶原舖又十里曰弓

家灣鋪又四十里曰鳳尾鋪又三十里接石樓縣蒼耳原。

自城東北行八十里至平遙縣洪上驛自城西北行五十里至布落鋪轉東北經梁家莊接汾陽縣馬莊鋪出布落鋪轉西南經南陽鋪義棠鋪盤重原車戶原弓家灣通寧鄉縣南境經寧鄉縣境內十五里至曹家沿復入縣境又南十五里至鳳尾村又西十五里至黃雲山接石樓縣境由盤重原而南三十餘里至劉家沿通隰州西曲鎮縣西岡巒重疊而盤重原山勢平行爲四達之要道。

臨縣總舖在城南路二十里曰關王舖又三十里曰三交舖又二十里曰鐘底舖又二十五里接永寧州石門舖。

廢舖南路二曰安業曰佛堂峪俱通永寧州北路三曰廟坪曰白文通興縣曰陽坂通嵐縣西路三曰白塔曰兔兒坂曰克虎寨俱通陝西葭州。

自縣而北經陳莊郝家坡至白文鎮通興縣縣西北經清涼鎮雷家磧兔兒坂至第八堡黃河岸北通興縣西通葭州由兔兒坂西至克虎寨黃河岸由清涼鎮石片頭西至曲峪鎮黃河岸縣西經安家莊存羅

谷至郭家塔黃河岸縣南經三交鎮轉西過侯圪
至高家塔皆通陝西葭州由三交鎮西南至磧口
河岸西通吳堡縣南通永寧州之孟門鎮由三交鎮
東南經桃源霍家嶺至石門塢通永寧州越永寧州
之其川至郝塢山通交城縣自縣至石門塢六十里
又東百里至郝塢山縣東北百三十里至一箭嶺通
靜樂惟三交鎮往永寧州之石門塢爲孔道然亦左
右峻嶺高坂非坦途他皆山險小徑

石樓縣解夫遞送

舊未設舖僱夫八名遞送公文謂之解夫

自城而北經孟家塌西衛村賀家塌裴溝村梁家山
至寧鄉縣界冀家原自城而西經王村坂橋村老子
王村井溝村石家坪留村霍家村越黃河通清澗縣
賀家畔自城西南行經蕭家塌任家莊瓦舍村延家
溝至永和關自城東北行經故鄉村汧口村坨連村
倉耳原至孝義縣鳳尾村自城而南經胡家峪賈家
溝塌崖村關頭村至隰州界羅兒溝自城而東經沙
窯村崔家莊曹村羅村紅窯村至隰州石口子鎮

永寧州總舖在城東路十五里曰馬家舖又十五里曰
義居舖又十里曰北寒舖又十里曰南寒舖又十里曰

四皓舖又二十里曰吳城舖又十里曰三交舖接汾陽
縣西北路二十里曰下安舖又二十里曰大武舖又二
十五里曰石門舖接臨縣西路三十里曰白霜舖又九
十里接陝西吳堡縣

廢舖北路十曰漫塔曰唐家曰石佛曰峪口曰橫泉
曰監軍曰麻地曰方山曰土泥曰仁村接嵐縣西路
二曰賀家塔曰蘇村接吳堡縣

由大武舖而北經峪口鎮方山堡至赤堅嶺通嵐縣
由峪口鎮東北行至呂梁山通交城縣自城而西經
梁家漢迤北至磧口黃河岸通臨縣由梁家漢斷道

塢至孟門鑿黃河岸自城而西經馬茂莊白霜舖青龍鎮柳林鎮後河底越青龍渡通吳堡縣自城而南經交口村郝村金羅村至朱家店通寧鄉縣自城而東經盤橋村進北循谿澗至劉王暉通交城。

寧鄉縣東路五十里曰康家塌舖又五十里曰偏城舖又四十里至府前。

廢舖北路二十里曰朱家店接永寧州。

自城而北經龐家會尙家峪大高村朱家店通永寧州自城而北行經鋤溝鎮通永寧州由鎮轉西南行經三交原黃河岸通綏德州自城而西經賀家塢

義村至石樓縣界裴溝自城而南經段家莊陳家灣
萬年堡車明峪轉西歷水子溝薛家峪乾村燬泉
王家莊桑塘村至石樓縣界平底村自城東北行經
郭家山朱家嶺至永寧州界南溝村自城而東經倉
兒灣黑嶺坡峪村至汾陽縣界偏城村出萬年堡轉
東南行經黃蒿嶺劉家坪至孝義縣界弓家灣

以上舖遞

道路
附見

汾州府志卷之七

戶口

戶十九萬二千七十六口百二十七萬七千八百三十

四通計男婦大小口之數

明萬歷間戶四萬一千九百有一口五十二萬一千

二百二十六載在舊志時石樓縣不屬石縣其後屢遭兵火

人民逃亡凋敝我朝休養百有餘年生齒日增於

昔乾隆三十四年編戶民數汾陽縣戶四萬九千九

百五十六男婦口二十八萬三千七百八十四子女

小口十五萬一千四百七十九平遙縣戶三萬三千

六百口十三萬一千九百二十小口七萬五千五十一
介休縣戶六萬八千四百四十五口十七萬九千一
十二小口十九萬九千五百五十三孝義縣戶萬三
千四十八口二萬六千六百六十七小口七萬三千
四十二臨縣戶千七百一十口萬四千三百有五小
口萬七千二百八十七石樓縣戶五千五百六十一
口萬二千八十一小口萬五千五百二十九永寧州
戶萬五千六百有七口五萬六千九百七十四小口
萬七千九十七寧鄉縣戶四千一百四十九口萬一
千二百三十四小口萬二千八百二十

田賦

汾陽縣民地萬二百三十五頃五十畷七分一釐有奇
徵租課銀五萬六千六十兩九錢四分八釐有奇

明初原額地六千六百四十六頃四十一畷二分一
釐夏稅麥萬六千一百二石九斗九升五勺五撮秋
糧米三萬三千三百四十三石五斗四升三合二勺
六抄五撮至隆慶五年額地六千六百一十三頃三
十一畷二分五釐萬歷十一年定額萬有七十一頃
七十二畷二分八釐舊志云此因奉例丈地遂多出
三千四百五十八頃四十一畷
三釐舊制村坵民舍原無稅糧委官盡行丈出兼及
荒山徙阪五穀不生之地是以虛有此數縣志載數

諭石炳云。萬歷九年清查拋荒。委官迎合邀功。將確沙灘增開實數。當事者遂令抵補澤潞沁遼邊倉。而遼沁屬邑借蠹生奸。復欲爲彼保賄。徭銀雖大。參陳公諫議阻之。而前項貽害至今。徵夏稅

麥萬六千一百六十石八斗五升七合四勺二抄六撮六圭七粒八粟。秋糧三萬二千四百五十六石二斗七升三勺七撮七圭。徵絲絹三十三匹。並折色及馬草驛站加徵每噸九釐。銀共五萬五千三百六十四兩九錢六分八釐。額外民田二十頃二十九畝四分。徵折色銀六十四兩八錢六分一釐。增豐贍庫夏秋糧及絲絹折色銀十七兩二錢八分九釐。國朝順

治十二年以後。至雍正六年。續增額外地及河灘退

地共百四十一頃四十九畝三釐有奇徵折色銀六百一十七兩八錢三分。

平遙縣民地萬有三百九十二頃五十八畝四分一釐徵租課銀六萬四千一百七十七兩八錢七分五釐。

明初舊額官民地六千七百六十九頃四十八畝九分一釐萬歷五年查報荒地二百四十頃免徵九年至三十五年定額萬有一百四十三頃一十三畝三分夏稅三千八百五十七石一斗三升六合一勺秋糧四萬八千六百三十六石二斗五升二合一勺九撮並折色及絲絹馬草驛站地畝九釐銀共六萬三

千四十一兩六分九釐增豐贍庫夏秋糧及絲絹折
色銀百有一兩九錢四分二釐 國朝順治四年查
報汾水所占地五頃一十八畝免徵稅糧及各項折
色銀二十五兩九錢九分九釐十二年以後至雍正
七年續增額外地及河灘退地共百三十一頃八十
九畝五分六釐晉府更名田八頃共徵折色銀六百
四十兩三分三釐又歸併太原左衛屯田百一十四
頃七十三畝五分五釐徵折色銀四百二十兩八錢
二分八釐

介休縣民地六千一百四十七頃五十三畝七分五釐

有奇租課銀三萬四千八百一十二兩七錢一分八釐
有奇

明初舊額官民地四千七百八十五頃至嘉靖二十
八年額地四千七百九十五頃九十三畝六分三釐
二毫萬歷三十五年定額六千二十頃三十二畝四
分一釐八毫夏稅九百六十七石五斗六升八合六
勺二抄五撮秋糧二萬六千五百二十三石五斗三
升九合三勺七抄三撮並折色及絲絹馬草驛站地
畝九釐銀共徵三萬四千七十兩一錢三分一釐有
奇增豐贍庫夏秋糧及絲絹馬草折色銀百六十五

一錢七分六釐有奇。國朝康熙十六年至雍正水
年續增額外地百二十七頃二十一畷三分四釐有
奇。徵折色銀五百八十二兩四錢一分有奇。

孝義縣民地九千七百八十頃三十六畷四分七釐有
奇。徵租課銀三萬五千九百七十四兩二錢六分六釐
有奇。

明初舊額地三千九百四十九頃八十一畷。嘉靖三
十一年額地三千九百一十九頃三十七畷四分。

歷十年定額九千五十四頃一十七畷。舊志云萬曆

園場舍基舊不起科者。搜括無遺。本縣實徵原額。其
包賠榆社稅糧一千四百二十三石五斗一升。

稅五千三百四十七石四升六合八勺秋糧二萬
千五十九石三斗三升二合三勺七抄二撮七圭
折色及馬草驛站地晦九釐銀共三萬四千二百五
十七兩七錢四分四釐有奇增豐贍庫夏秋糧及絲
絹馬草折色銀十兩七錢四分三釐有奇 國朝順

治四年查報荒地九百頃十分晦之六免徵十年十
一年開墾復額康熙三年至雍正六年續增額外民
田屯田更名田河灘山溝地七百二十六頃一十九
畝四分七釐有奇及下波地三十六垧共徵折色銀
千七百五兩七錢九分三釐有奇

臨縣民地三千一百七十五頃八十九畝五分九釐有奇徵租課銀萬七千七十九兩六錢六分一釐有奇

明初舊額官民地共二千二百二十三頃六十七畝七分嘉靖二十五年額地二千二百四十八頃三十五畝二分萬歷九年定額三千一百六十頃四十四畝四分九釐有奇夏稅四千三百三十八石五斗六升三合六勺五抄秋糧萬有一百五十二石四斗六升四勺五抄並折色及絲絹馬草驛站地畝九釐銀共萬六千九百四十四兩六錢六分有奇萬歷間增豐贍庫夏秋糧及絲絹馬草折色

銀五十兩一錢二分九釐。國朝順治四年查報荒地四百四十頃六十八畝五分二釐免徵。十年至十三年復額。康熙十六年至雍正七年續增額外地及坡岡十五頃四十五畝一分。徵折色銀八十四兩八錢六分五釐有奇。

石樓縣民地千四百二十四頃四十二畝一分八釐。徵租課銀八千五百八十二兩五分二釐有奇。

舊額地二千七百五十九頃九十一畝五分。順治四
年查報荒地千九百四十四頃五十九畝五分免徵
定額八百一十五頃三十二畝。徵糧四千四百六十

六石四斗三勺四抄八撮二圭七粒折色及絲絹驛
站地晦九釐豐贍庫夏秋糧馬草共徵銀五千三兩
四錢一分七釐有奇九年至康熙十六年續增額外
山地六百九頃一十晦一分八釐徵折色銀三千五
百七十八兩六錢三分五釐有奇

永寧州民地四千五十五頃四十九晦一分八釐徵租
課銀二萬四千六兩一錢三分三釐有奇

明初舊額四千二百一十六頃六十二晦七分萬歷
十年定額四千六百九十八頃二十一晦二分七釐
五絲夏稅八千一百二十八石五斗六升一合五勺

秋糧萬八千九百四十六石六斗四升二合九勺。

國朝順治間查報荒地二千一百四十一頃一畷六分二釐免徵定額二千五百五十七頃一十九畷六分五釐徵糧萬四千六百四十九石九斗九升八合折色及絲絹驛站地畷九釐銀共萬五千四百九十六兩六錢五分六釐有奇。十二年至乾隆七年續增額外民田更名田河灘山隅地寺田首九十八頃二十九畷五分三釐徵折色銀八千四百五十九兩三錢四釐又歸併太原前衛屯糧折色牛俱銀五十兩二錢七分三釐有奇。

寧鄉縣民地五千八百三十三頃一十七畝八分九釐
有奇。徵租課銀九千七十二兩八分七釐有奇。

明初地七千四百八十一頃三十七畝有奇。萬歷九年將山坡地每四畝折平地一畝起徵。至三十五年額地二千三百六十九頃八十二畝九分三釐一毫。夏稅三千一百八十四石七斗六升九合四勺五抄。秋糧七千四百三十一石一斗二升五合九勺。國朝初年額地四千一百二十二頃九十七畝三分。徵糧七千八百三石六斗五升九勺。折色及絲絹驛站地畝九釐銀共六千八百六十六兩三錢三分三釐。

順治十二年至雍正六年續增額外地千七百一十頃二十畷六分徵折色銀二千二百一兩七錢三釐以上地糧

康熙五十二年欽奉 恩詔以五十年丁冊定爲常額續生人丁永不加賦汾陽縣徵均徭銀萬二千二十一兩九錢九分二釐有奇

行差人丁四萬八千四百一十三徵均徭併辦買本色顏料加增銀共八千七百五十八兩五錢三分四釐於乾隆十年奉文攤入地糧徵收地差銀三千二百六十三兩四錢五分八釐舊係按糧派徵

平遙縣徵均徭銀九千二十五兩七錢七分一釐有奇
行差人丁五萬三千二百二十。徵均徭等銀共八千
一百五十三兩九錢八分二釐內二千六百六十一
兩於乾隆元年奉文攤入地糧徵收。又地差銀八百
六兩四錢三釐及歸併太原左衛屯丁八十九。徵均
徭銀六十五兩三錢八分六釐有奇。

介休縣徵均徭銀九千四百七十三兩四分五釐有奇
行差人丁六萬一千二百九十二。徵均徭等銀共七
千三百二十四兩二分。於乾隆元年奉文攤入地糧
徵收。地差銀二千一百四十九兩二分五釐有奇。舊

信投糧派徵

考該縣徵均徭銀六千一百一十二兩四錢七分八釐
有奇

行差人丁萬四百八十六徵均徭等銀共二千六百
三十二兩三分地差銀三千三百五十三兩五錢五
分二釐有奇又歸併太原左衛屯丁百四十二徵均
徭銀百二十六兩八錢九分六釐有奇

臨縣徵均徭銀三千八百七十三兩五錢六分四釐有
奇

行差人丁三千七百六十二徵均徭等銀如額數於

乾隆二十三年奉文攤入地糧徵收。

石樓縣徵均徭銀千四百九十三兩三錢七釐有奇
行差人丁三千三十八。徵均徭銀如額數。於乾隆二
十三年奉文攤入地糧徵收。

永寧州徵均徭銀五千二百八十七兩七分五釐有奇
行差人丁八千四百八十七。徵均徭銀五千二百八
十七兩七分五釐有奇。額數內於乾隆二十四年奉
文開除故絕朋丁並勻減丁銀二千八百七十九兩
八錢七分五釐。攤入地糧徵收。又歸併大原前衛屯
丁三十八。徵均徭銀十四兩九錢七釐有奇。

寧鄉縣徵均徭銀三千五百七十二兩一錢三分六釐
右奇

行差人丁二千七百七十徵均徭等銀二千一百三
十七兩四分二釐有奇於乾隆十年奉文攤入地糧
徵收地差銀千四百三十五兩九分三釐有奇舊係
按糧派徵

以上丁徭

額外匠價銀汾陽縣二百五十二兩四錢五分平遙縣
百二十一兩九錢五分介休縣百五十一兩二錢孝義
縣四十五兩四錢五分臨縣三十五兩一錢石樓縣八

兩一錢永寧州二十四兩七錢五分寧鄉縣四兩五
並於乾隆三年奉文攤入地糧徵收。

酒課銀汾陽縣三百兩平遙縣二十五兩六錢五分介
休縣三十四兩九錢二分孝義縣五十兩臨縣五兩石
樓縣二兩永寧州二十兩寧鄉縣十兩商稅銀汾陽縣
千一百七十八兩四錢九分二釐平遙縣六十六兩五
錢三分三釐介休縣六百六十八兩六錢孝義縣四十
四兩三錢二分三釐臨縣五十六兩石樓縣五兩六分
五釐永寧州九十九兩八錢八分寧鄉縣十三兩五分
二分六釐。

以上額外課稅

合府屬地糧丁徭及額外課稅共徵銀三十萬三千八百五十九兩二分四釐

汾陽縣六萬九千八百一十三兩八錢八分三釐起

運各項下共四萬四千二百六十八兩九錢八分六

釐存支各項下共二萬五千五百四十四兩八錢九

分七釐平遙縣七萬三千四百一十七兩七錢七分

九釐起運四萬八千三百六十六兩五錢七分七釐

存支二萬五千五十一兩二錢二釐介休縣四萬五

千一百四十兩四錢八分四釐起運二萬七千九百

七兩五錢一分九釐存支萬八千四十二兩九錢六分五釐孝義縣四萬二千二百二十六兩五錢三分二釐起運三萬一千九百二十四兩一錢四分六釐存支萬有三百二兩三錢八分六釐臨縣二萬一千四十九兩三錢二分六釐起運萬五千九百三兩一錢四分一釐存支五千一百四十六兩一錢八分五釐石樓縣舊額萬一千一百三十三兩七錢五分內除缺額徭銀九百一十一兩七錢六分四釐又經費不敷銀百三十一兩四錢六分一釐實徵萬有九千兩五錢二分五釐起運九千八十九兩一錢五分九釐

釐存支千一兩三錢六分六釐永寧州二萬九千四百五十二兩七錢四分五釐起運萬九千一百九十六兩八錢六分一釐存支萬二百五十五兩八錢八分四釐寧鄉縣萬二千六百六十七兩七錢五分起運九千四百一十五兩五錢三分八釐存支三千二百五十二兩二錢一分二釐

汾州衛屯田歸併於汾陽介休孝義三縣者共四十九頃七畝二分六釐徵租課銀百四十二兩三錢五分釐其均徭併歸於汾陽孝義二縣者共徵銀二百六十二兩四錢九分五釐

汾陽縣歸併汾州衛屯田二十九頃九畷八分徵折
色銀七十六兩三錢九分三釐有奇屯丁五百二十
八徵均徭銀二百九兩六分四釐有奇共二百八十
五兩四錢五分九釐內起運二百七十九兩八錢一
分四釐存支五兩六錢四分五釐介休縣歸併汾州
衛屯田十五頃八十九畷六釐徵折色銀五十三兩
五錢六分三釐有奇孝義縣歸併汾州衛屯田四頃
八畷二分二釐徵折色銀十二兩四錢屯丁百二十
徵均徭銀五十三兩四錢三分一釐有奇舊志汾州
衛屯地六百七十三頃四十七畷二分八釐該屯糧

二千四十一石八斗三升三合六勺一抄一撮三圭
內除拋荒糧六十九石七斗八升外實徵糧一千九
百七十二石五升三合六勺一抄一撮三圭五粒每
石折銀五錢共徵銀九百八十六兩二分六釐四毫
九絲四忽六微四纖其地坐落汾陽介休孝義蒲大
寧五縣

雜稅彙解戶部者據乾隆三十一年奏銷之數汾陽縣
千五百二十七兩五錢二分八釐

徵房田稅契銀六百三十一兩三錢八分三釐盈餘
銀二百六十一兩三錢一分五釐畜稅銀四百六十一

兩四錢九分一釐。盈餘銀二百六兩四錢三分九釐。
烟稅銀百三十五兩九錢八分。盈餘銀十六兩五錢
二分。牙稅銀三百二十五兩四錢。當稅銀四百九十
兩。

平遙縣二千二百五兩三分六釐。

徵房田稅契銀二百二兩二錢六分九釐。盈餘銀二
百四十三兩三錢六分九釐。溢額商稅銀三十六兩
三錢二分六釐。畜稅銀二百五十九兩四錢四分。盈
餘銀百二十一兩六錢三分二釐。牙稅銀二百二十
二兩。當稅銀千一百二十兩。

介休縣二千八百四十兩一錢三分一釐

徵房田稅契銀五百九十八兩三錢八分三釐盈餘銀五百一十四兩五錢二分七釐溢額商稅銀百七十三兩四錢四分畜稅銀三百三十兩六錢三分六釐盈餘銀二百四十二兩七錢四分五釐牙稅銀二百兩四錢當稅銀七百八十兩

孝義縣千二百九十六兩七錢六分八釐有奇

徵房田稅契銀百九十八兩八錢七釐盈餘銀百三兩九錢二釐溢額商稅銀六兩九錢九釐有奇畜稅銀二百六十兩五錢二分盈餘銀二百二十五兩二

錢四分牙稅銀九十六兩二錢當稅銀四百五兩
臨縣五百四兩六錢五分

徵房田稅契銀三十四兩八錢九分四釐盈餘銀十
三兩四錢一分畜稅銀二百八兩四錢八分五釐盈
餘銀六十二兩五錢四分五釐又加增銀十一兩三
錢一分六釐牙稅銀十四兩當稅銀百六十兩

石樓縣百四十八兩三錢一分二釐

徵房田稅契銀二十七兩六錢四分五釐畜稅銀八
十五兩八錢八分四釐盈餘銀二十兩五錢八分三
釐牙稅銀九兩二錢當稅銀五兩

永寧州三百五兩二錢六分

徵房田稅契銀十三兩二錢六分畜稅銀八十二兩

二錢牙稅銀三十四兩八錢當稅銀百七十五兩

原額

當四十座稅銀二百兩開

除五座計稅二十五兩

寧鄉縣百六十六兩九錢一分五釐

徵房田稅契銀二十五兩九錢七釐盈餘銀十兩九

錢四分八釐畜稅銀三十二兩五錢八分三釐盈餘

銀二十八兩七分七釐牙稅銀十四兩四錢當稅銀

五十五兩

鹽稅

府屬一州七縣舊食鄰近土鹽雖領河東之引而不食

其鹽惟輸稅於官謂之鹽稅

西行河東之引者三省曰山西曰河南曰陝西河南省

則南陽河南二府屬汝陝二州屬與許州之襄城皆行

河東引食河東池鹽山西省惟平陽潞安澤州蒲州四

府屬解絳吉臨四州屬行河東引食河東池鹽太原汾

州寧武三府屬遼沁忻代平定孫德六州屬皆食本處

及附近土鹽領河東引而不食河東鹽名曰鹽稅陝西

省惟西安同州二府屬興安商華耀乾五州屬邠州及

所領三水淳化二縣領河東引食河東池鹽其鳳翔府

屬與邠州之長武食花馬池鹽名曰鳳課皆領河東引

而不食汾陽縣額行二千四百六十五引徵鹽稅銀九

河東鹽百八十八兩七錢一分二釐有奇平遙縣額行二千九

百五十一引徵鹽稅銀千一百八十三兩六錢四分介

休縣額行二千九百一十二引徵鹽稅銀千一百六十

七兩八錢三分七釐有奇。孝義縣額行五百五十三引。徵鹽稅銀二百二十一兩七錢七分六釐有奇。臨縣額行百九十五引。徵鹽稅銀七十八兩一錢七分四釐。石樓縣額行五百二十引。徵鹽稅銀二百一十五兩二分有奇。永寧州額行四百四十七引。徵鹽稅銀百七十九兩二錢二分四釐。寧鄉縣額行百五十一引。徵鹽稅銀六十兩六錢三分七釐有奇。

明萬歷間鹽課汾陽縣額發鹽票九千張。每張稅銀六分。共銀五百四十兩。平遙縣額發鹽票四千一百張。共銀二百四十六兩。介休縣額發鹽票二千五百

張共銀百五十兩孝義縣額發鹽票千三百張共銀
七十八兩臨縣額發鹽票六百張共銀三十六兩永
寧州額發鹽票六百張共銀三十六兩寧鄉縣額發
鹽票二百張共銀十二兩在舊志石樓縣洪武初
額發鹽票六百六十張共銀三十九兩六錢載在縣
舊志考引之名始於宋其用引之法卽池驗券按數
而出元時每鹽一引重四百斤明初如之後分一引
爲二引 國朝順治二年立河東鹽法時巡鹽御史
奏稱陝西之平涼慶陽乃食花馬小池鹽山西太原
汾州乃食本地煎鹽舊皆河東所轄以其與河東相

近也十三年因議均引目下巡鹽御史酌覆御史朱
紱覆稱合照賦役全書丁口數目令各省布政司將
領引額丁通盤打算均勻派銷未經均定而御史焦
毓瑞以河南俱食解池商鹽易於均派其山西太原
汾州遼沁例食本地土鹽食解鹽者平陽潞安二府
澤州一州陝西鳳翔例食花馬池鹽食解鹽者西安
一府興安一州凡行解池商鹽州縣止有督銷之責
而納課之責在商若行土鹽并花馬池鹽之處則銷
引納課之責成併在州縣部議遵定派引刊冊以永
遵守康熙十年御史布舒疏請汾州府七屬俱食本

地土鹽獨有石樓一縣行銷解鹽道路阻長行運維艱請照改土鹽商民兩便部議自十二年準其改食於是府屬之一州七縣悉爲派徵鹽稅矣六十二年介休縣知縣蕭蕙以民旣輸鹽稅仍設商人於民不便且巡丁橫行窮簷愁怨得請廢商雍正八年知府張學林因汾陽縣商人巡丁大爲民害亦得請廢商而同知馮雲燦權知府事有按糧攤課之請九年知府崔應階知縣林中柟遂議將鹽課紙價銀攤入地丁項內每正糧一兩攤課一分五釐乾隆二十八年奉布政司檄稱代州交城壽陽三屬鹽課並無商販俱征之民已

經攤入地丁統征分解民甚稱便惟文水太谷汾陽
平遙介休孝義石樓永寧寧鄉孟縣保德河曲等十
二州縣雖經攤入地丁並未歸併統征分解係令里
老催收或派甲頭彙納以致暗中加派額外浮征貧
窮小民不免苦累應俱倣照代州交城壽陽之例歸
於地丁項下統爲征收分款起解前此汾陽縣地丁
內攤徵鹽課其平餘銀每鹽課一兩加平餘銀一分五釐尙未歸併

至是年知縣顧學潮請正課與平餘雖有分款寔止

一項應統算攤征

於地丁項每一兩攤征課銀紙價及平餘共一分五釐三毫六絲三

忽四微八纖

乃以二十九年爲始由此豪右因緣爲奸侵

刻小民之弊永絕